

Ս. ՍԻՆԳԱԼԵՎԻՉ

ՍՏՐՈՒԿՆԵՐԻ ՇԱՐԺՈՒՄԸ  
ՀԻՆ ՀՈՒՆԱՍՏԱՆՈՒՄ



---

ՅԵՐԵՎԱՆ

ԳԻՏՀՐԱՏԻ ՏՊԱՐԱՆ

1937

9 (38) 648

U-51 Upragovoditel  
Upravleniya Zamprom  
KPK Kirovskoy oblasti

9(30)  
U-57

ՀԽՍՀ ՈՒՍՈՒՑԻԶՆԵՐԻ ՎՈՐԱԿԱՎՈՐՄԱՆ ԻՆՍՏԻՏՈՒՏ  
№ 3 ՀԵՌԱԿԱ ՈՒՍՈՒՑՄԱՆ ԳՐԱԴԱՐԱՆ № 3


Ս. ՍԻՆԳԱԼԵՎԻԶ

ՍՏՈՒԳՎԱՄ Է 1957 թ.

7014 648  
A II  
32404

# ԱՏՐՈՒԿՆԵՐԻ ՇԱՐԺՈՒՄԸ ՀԻՆ ՀՈՒՆԱՍՏԱՆՈՒՄ

(Ոժտնդակ նյութեր հեռակայողներին)





Թարգմ. Ա. ՉԱԲԱՐՅԱՆ  
Խմբագիր՝ Ս. ԳԱԲՐԻԵԼՅԱՆ  
Արբանյակ՝ Ա. ՇԱԼՉՅԱՆ

Գլխավոր տպարան  
Գլավկոհ № 2242  
Պատկեր № 28  
Տիրույթ 1000



## ԱՏՐՈՒԿՆԵՐԻ ՇԱՐԺՈՒՄԸ ՀԻՆ ՀՈՒՆԱՍԱՆՈՒՄ

### 1.

Բնորոշելով անտիկ ստրկությունը, մարքսիզմ—լենինիզմի հիմնադիրները բացահայտել են վոչ միայն վերջինիս տնտեսական բնությունը, այլև նրա սոցիալական ելությունը, սահմանելով, վոր անտիկ ստրկությունն—անտիկ աշխարհի հիմնական արտադրող դասակարգերի դասակարգային կեղեքման միջոցն է: «Հին ասիական և կլասիկ ժամանակներում,—գրում էր Ենգելսը,—գասակարգային կեղեքման գերակշռող ձևը ստրկությունն էր, այսինքն՝ վոչ այնքան հողի եքսպրոպրիացիան մասսաներից, վորքան նրանց անձնավորությունների եքսպրոպրիացիան»<sup>1</sup>:

«Անտիկ պետությունը,—գրում էր նա մի այլ տեղ,—գերազանցապես ստրկատերերի պետություն էր ստրուկների հնազանդեցման համար»<sup>2</sup>: Անտիկ աշխարհի հիմնական հակամարտությունն ստրուկների ու ստրկատերերի հակամարտությունն էր, վորը նրա զարգացման պրոցեսում դառնում է ստրուկների ու ազատների հակամարտություն: Հունական համայնքներում այս հակամարտությունն աճում էր ստրկության աճման զուգընթաց, ստրկական աշխատանքի անընդհատ մեծացող շահագործման զուգընթաց: Ենգելսը բավական պարզորոշ սրա ներկայությունը հավաստել է Աթենքում VI—V դ.դ. «Դասակարգերի հակադրությունը, վոր այժմ գտնվում է հասարակական և քաղաքական հիմնարկների հիմքում, անցնում էր արդեն վոչ թե ազնվազարմ և հասարակ ժողովրդի, այլ՝ ստրուկների և ազատների, իրավազուրկների և քաղաքացիների միջև»<sup>3</sup>:

<sup>1</sup> Ենգելս—«Բանվոր դասակարգի զրությունն Անգլիայում», էջ 48, 1928 թ.:

<sup>2</sup> Ենգելս—«Ընտանիքի, մասնավոր սեփականության և պետության ծագումը», էջ 202 Մոսկվա, 1933:

<sup>3</sup> Ենգելս—«Ընտանիքի, մասնավոր սեփականության և պետության ծագումը», էջ 144:



Այս հիմնական հակամարտութեան զարգացումն արտահայտվում էր ստրուկների ու ստրկատերերի միջև մղվող դասակարգային պայքարի դանազան ձևերով—մի պայքար, վոր առանձնապես սուր էր V և հետագա դարերում: Այս պայքարում արդեն կային այն գծերը, վորոնք նրան բնորոշում էին իբրև բողոք ստրկատիրական սիստեմի դեմ, բայց Հունաստանում նրանք բավական թույլ էին արտահայտվում: Այստեղ պայքարը մղվում էր անկազմակերպ և մեծ մասամբ առանձին բունկուսների բնույթ էր կրում՝ ստրկատիրոջ սպանութուն; նրա գույքի աչրում, գործիքների ջարդում և այլն: Ստրուկների կոլեկտիվ յեղույթները, մասսայական կազմակերպված պայքարը դեռևս լայն թափ չէր ստացել Հունաստանում:

Շահագործման լծի դեմ ստրուկների բողոքի ձևերից մեկն էին հանդիսանում ստրուկների բավական հաճախակի փախուստները: Ստրուկներն իրենց տերերից փախչում էին մենակ և ամբողջ խմբերով: Ստրուկների փախուստ ամենից շատ տեղի էր ունենում պատերազմների ժամանակ: Վոչ միայն այն պատճառով, վոր յերկրի ներքին կյանքի մեջ վորոշ կազմալուծում մտցնող պատերազմը հեշտացնում էր փախուստը, այլև այն պատճառով, վոր պատերազմը մեծ սպառնալիք էր ստեղծում ստրուկներին կյանքի համար. յեթե թշնամիները վերցնում էին վորևէ քաղաք, ապա նրանք, իբրև կանոն, առաջին հերթին կոտորում էին քաղաքը պաշտպանող ստրուկներին. յեթե ստրուկները չէին մասնակցում ռազմական գործողութուններին, նրանց ծախում էին իբրև ավար. յեթե քաղաքի պաշարումը ձգձգվում էր և պարենը չէր բավականացնում, ստրուկներին կոտորում էին իբրև ավերող ուտոզներ: Ահա թե ինչու Հունաստանում պատերազմները սովորաբար զուգորդվում էին ստրուկների փախուստով: Սա այնքան սովորական յերևույթ էր, վոր կավող կողմերը, որինակ՝ աթենացիք ու սպարտացիք պելոպոնեսյան պատերազմի զինադադարի ժամանակ (423 թ.) պայմանագրի մեջ հատուկ վերապահում արեցին, վորը կողմերին պարտավորեցնում էր չընդունել պատերազմի ժամանակ փախած ստրուկներին<sup>1</sup>: Բայց չնայած սրան՝ հետագայում, պելոպոնեսյան պատերազմի ժամանակ բազմիցս փախել են ստրուկները: Այսպես, Նիկիոսը գանգատվում էր, վոր 414 թ. Սիրակուզի մոտ գործող աթենա-

<sup>1</sup> Թուկիդիսես, IV գիրք, 118 գլ., 7:



կան նավատորմի նավերից փախան թիավարող ստրուկները, նավատորմը զրկելով ռազմական գործողությունները շարունակելու հնարավորությունից<sup>1</sup>: 413 թ., Դեկալեյի մոտ աթենական բանակի ջարդվելու ժամանակ «ամբողջ տերրիտորիան գրավված էր աթենացիներից, ավելի քան քսան հազար սարձեկ անցավ թշնամու կողմը, այս թվում նաև շատ արհեստավորներ<sup>2</sup>, վորպիսի հանգամանքը ծանր հարված էր աթենական արդյունաբերության համար, վորը պատերազմի պայմաններում պահանջում էր լարված աշխատանք: Թուլիզիտեսը հաղորդում է նույն պելոպոնեսյան պատերազմի ժամանակ ստրուկների փախուստի մի փաստ էլ. 412 թ., յերբ Քիոսն անցավ աթենացիների ձեռքը, դաժան հայածանքների յենթարկվող ստրուկներն անցան աթենացիներին և նրանց մի շարք տեղեկություններ տվին այնտեղի մասին, վորտեղ մղվում էր պատերազմը, «մեծագույն վնաս պատճառելով քիոսցիներին»<sup>3</sup>:

Ստրուկները փախչում էին նաև խաղաղ ժամանակ և կոնֆլիկտներ առաջացնում հունական առանձին պետությունների միջև: Այսպես, 433—432 թ. (մեր թվակ. առաջ) աթենացիների ու մեգարացիների կոնֆլիկտը, վոր առաջացել էր այն բանի հետևանքով, վոր մեգարացիք իրենց մոտ ապաստան էին տվել Աթենքից փախած ստրուկներին, պելոպոնեսյան պատերազմի առիթներից մեկն էր<sup>4</sup>:

III դ. սկզբի արձանագրություններից մեկը պատմում է, վոր Իոս կղզու ստրուկները փորձեցին փախչել և թաքնվեցին ավի մոտ կանգնած անտախտակամած նավի մեջ, բայց նկատվեցին: Նավահրամանատար Ջենոնը, վոր այս ժամանակ ղեկավարն էր Կիկլադյան կղզիների միության, վորի մեջ մտնում էր Իոս կղզին, հովաքեց նավապետներին, այսպիս կոչված տրիերարխներին, քննեց այս միջադեպը և փախած ստրուկներին հետ զարձրեց: Սրա համար «խորհուրդը և ժողովուրդը վորոշեցին շնորհակալություն հայտնել Ջենոնին»<sup>5</sup>:

<sup>1</sup> Նույն տեղում, VII գիրք, 13 գլ. 2.

<sup>2</sup> Նույն տեղում, 27 գլ.

<sup>3</sup> Նույն տեղում, VIII գիրք, 40 գլ. 2.

<sup>4</sup> Նույն տեղում I գիրք, 139 գլ. 2.

<sup>5</sup> Արտագրության անտիկ յեղանակն ազբյուրներում (Аспи) № 69 Հրատ. ГанМК-ի, 197, 1933.



Հայտնի չեն դեպքեր, յերբ ստրուկները փախել են և թաք-  
 նըվել, աներբից կողոպտելով դույքը: Հելլենական Յեզիպոսի  
 (III դ.) մի վավերագիր հաղորդում է ստրուկ խոհարարի փախչելու  
 մասին, վորն իր հետ տարել է ձիերի կեր գնելու համար նրան  
 տրված պղնձյա 80 դրախմ: ստրուկը թաքնվել եր կապագով-  
 կիական զինվորների ճամբարում, և ստրկատերը կազմակերպեց  
 նրա վորոնումը<sup>1</sup>: Համանման փաստերի մասին պատմում է հելլե-  
 նական Յեզիպոսի (II դ.) մի այլ վավերագիր. մի վոմն ստրուկ  
 Հերմոն, վոր պատկանում եր ալարանդյան գեսպանին Ալեքսանդ-  
 րիայում, «փախավ 3 մինի վոսկեդրամով և 10 մարգարիտով».  
 հենց այստեղ ել հաղորդվում է, վոր Հերմոնի հետ միասին փախել  
 է և մի ուրիշ ստրուկ՝ Բիոնը, վոր պատկանում եր պալատական-  
 ներից մեկին՝ Կալլիկրատին. ստրուկը «փախավ, տանելով թիկ-  
 նոց, ստրկի վերնագգեստ և կանացի սրվակ, վոր արժե 6 տա-  
 դանտ, և 5 հազար պղնձյա դրախմ»<sup>2</sup>:

Վորչափով, վոր ստրուկների փախուստը նյութական վնաս  
 եր պատճառում ստրկատերերին և կազմալուծում նրանց տնտե-  
 սությունը, ստրկատիրական պետությունն որենքի ուժով պաշտ-  
 պանում և պահպանում եր իր շահերը: Այսպես, աթենական որե-  
 նըսդրությունը փախած ստրկի վերաբերմամբ թույլ եր տալիս կի-  
 րանել այսպես կոչված ապագոգե, վորի համաձայն փախած ստրկին,  
 իրրև ծանր հանցագործի, ամեն մի քաղաքացի կարող եր բռնել  
 առանց վորևե ձևականություն պահպանելու և հուսցնել ստրկա-  
 վայրը: Այս իրավունքի հիման վրա կազմակերպվում եյին փա-  
 խած ստրուկների վորոնումներ: Պետության այս ակտիվ միջա-  
 մտությունն ստրկատերերի շահերի պաշտպանության գործին  
 հանդիսանում է մի գիծ, վոր առաջին հերթին բղխում է իր իսկ  
 անտիկ պետության սպեցիֆիկ առանձնահատկություններից:  
 Անտիկ պետությունը հանդես եր գալիս ի պաշտպանություն  
 ստրկատերերի շահերի վոչ միայն այն պատճառով, վոր նա նրանց  
 դասակարգային կազմակերպությունն եր, այլև այն պատճառով,  
 վոր ստրուկները, վորոնք յուրաքանչյուր առանձին ստրկատիրոջ  
 մասնավոր սեփականությունն եյին, նմանապես և սեփականու-  
 թյուն եյին պետության անտիկ համայնքի համար:

Անտիկ սեփականության, այս թվում նաև ստրուկների նը-

<sup>1</sup> Аспи, № 71

<sup>2</sup> Аспи № 72.



կատմամբ՝ սեփականութեան ընտելութունն այսպես են վորոշել մարքսիզմի հիմնադիրները. «Պետութեան քաղաքացիները միայն միասնաբար են տիրում իրենց աշխատող ստրուկներին և հենց այս պատճառով ել կապված են հանրային սեփականութեան ձևով: Սա պետութեան ակտիվ քաղաքացիների միատեղ մասնավոր սեփականութեանն է, վորոնք ստիպված են ստրուկների հանդեպ պահպանելու ասոցիացիայի այս ընկանորեն առաջացած ձևը»<sup>1</sup>:

Անտիկ Հունաստանի իրավագոր քաղաքացիները—սա ամենից առաջ ստրկատերերի համայնքն է. նրա քաղաքական արտահայտութեանը հանդիսանում է պոլիսը (քաղաք-պետութեան), վոր ներկայացնում է ստրուկներին միատեղ շահագործող և ազատներին ազքատացնող ստրկատերերի կոլեկտիվ: Այս պայմաններում «հանրային սեփականութեան կողքին զարգանում է արդեն նաև շարժական, իսկ հետագայում և անշարժ մասնավոր սեփականութեանը, բայց իբրև նորմայից շեղվող և հանրային սեփականութեանը յենթակա ձև»<sup>2</sup>:

Մասնավոր սեփականութեան, այս թվում նաև ստրուկների նկատմամբ մասնավոր սեփականութեան գոյութեանը հանրային, պետական սեփականութեան շրջանակներում ըստ Ֆեյլդեյի նշանակում էր, վոր անտիկ ժամանակների պայմաններում ստրկատերերի շահերն, իբրև գասակարգի, գերիշխում են մասնավոր շահերի վրա: Այս տեսակետը շատ հստակ ձևակերպել է Պլատոնը. «Դուք (քաղաքացիներ) ինքներդ ձեզ չեք պատկանում, և այս գույքն էլ ձեզ չի պատկանում. ներկայիս ամբողջ սերունդը և նրա սեփականութեանը պատկանում են ձեր նախորդների և ձեզ հաջորդող սերունդների ամբողջութեանը, և ել այնպիսի՝ պետքայն»<sup>3</sup>: Յեւ պետական Պլատոնն ընդգծում է, վոր սրենսպրութեանը պետք է յուրաքանչյուր առանձին քաղաքացու շահերը յենթարկի այն բոլոր քաղաքացիների ամբողջութեանը, վորոնց շահերն արտահայտում է պետութեանը:

## 2

Ստրուկներ մատակարարում էին պատերազմները, վորոնք սպասարկում էին ստրկատերերին: Հունական պետութեաններում,

<sup>1</sup> Կ. Մարքս յեւ Ֆ. Ենգելս. Յերկեր IV հ., էջ 12. 1933:

<sup>2</sup> Նույն տեղում.

<sup>3</sup> Պլատոն—«Որենքներ» II գլ. 923.



մասնավորապես Աթենքում, ստրկատիրական բանակի հիմնական կոչումն այն էր, վոր «Աթենական դեմոկրատիայի ժողովրդական զորքը հանդիսանում էր արխատոկրատական զինված ուժ ընդդեմ ստրուկներին և նրանց պահում էր սանձած»<sup>1</sup>:

Ստրկատիրական համայնք—պետութունն, սարուկների այդ կոլեկտիվ տերը, մշտապես յուսանդով պայքարում էր ստրուկներին ամեն մի փորձի դեմ խախտելու կամ սասանելու ստրկատիրական հասարակության ուժը: Պետության այս զերը, իբրև մի ուժի, վոր հնադանգության մեջ էր պահում ստրուկներին, պարզ ըմբռնում էր Պլատոնը, հատկապես նա նշեց, վոր բավականաչափ ստրուկներ ունեցող ստրկատերն իրեն անվտանգ կարող է զգալ բացառապես այն պատճառով, վոր նրան պաշտպանութուն է ցույց տալիս պետութունը, վոր յեթե չլիներ այս պաշտպանութունը, նա հավիտենական յերկյուղի մեջ պիտի ապրեր ստրուկների հանդեպ<sup>2</sup>:

Յեւ հիբալի, յուրաքանչյուր ստրկատեր ստրուկների դեմ պայքարելիս կարող էր հույս դնել վոչ միայն ուրիշ ստրկատերերի, այլև ազատ քաղաքացիների ամբողջ կոլեկտիվի, համայնք—պետության ոգնության վրա:

Այս պատճառով էլ ստրուկներին վորոնելու հոգսը, իբրև կանոն, հանդիսանում էր վոչ միայն իրենց խակ ստրկատերերի գործը. փախած ստրուկներին վորոնելու գործին ներգրավվում էր տեղական ազմինխտրացիան. վերև հիշատակված ստրուկներ Հերմոնի և Բիոնի վորոնմանը մասնակցում էր հունական ազմինխտրացիան. ստրուկներին վորոնումը ղեկավարում էր տեղական աստիճանավոր Ստրատոնը:

Փախած ստրուկներին վորոնումը սովորաբար այսպես էր կազմակերպվում. նամակներ էյին ուղարկվում, հազորդելով ըստրուկի փախչելու մասին, նշվում էյին նրա արտաքին նշանները և պարզե էր խոստացվում նրան, ով կգտնի և կվերադարձնի փախածին կամ ծայրահեղ դեպքում ցույց կտա, թե վորտեղ է գտնվում նա: Հերմոն ստրկի փախչելու վերաբերյալ նամակում հաղորդվում է, վոր նա «ծնված է Սիրիայում՝ Բամբիկում, 18 տարեկան է, միջին հասակի, անմորուք, ամուր սրնքամսերով, կզակը փոսիկով, քթից ձախ խալ ունի և բերնի ձախ անկյունից վերև՝

<sup>1</sup> Ենգելս—«Ընտանիքի, մասնավոր սեփականության և պետության ծագումը», էջ 201, 1933:

<sup>2</sup> Պլատոն—«Պետութուն» 9 գլ. 578:



սպի, ձախ վերնադաստակը զբողմված յերկու բարբարոսական տաներով»<sup>1</sup>:

Սարկին մասնուժեմ էր նրա մարմնի զբողմը, իսկ յերբեմն էլ Վլոլ պատած ողբ, վոր համարչա անկարելի յեր իր ձեռքով հանել:

Սարկի վորոնուժը և նրան տիրոջ վերադարձնելը՝ վերջինից պահանջում էյին վորոջ ծախքեր. փախած սարկին տեղ հասցնելու համար, իրրև կանոն պետք էր վարձատրել լրտեսին, ինչպես և նրանց, ովքեր ցուլց են ավել սարկի ապաստարանը: Քսենոֆոնն այսպիսի բնորոջ զխաղոգ ունի.

«—Սաա, Դիոգոր, յեթի քո սարուկներից վորեւ մեկը փախչի, դու միջոցներ ձեռք կառնես նրան վերադարձնելու:

—Յերգվում եմ Ձեռով, քու բիշներից էլ կխնդրեմ, հայտնելով, վոր պարգև կտամ»<sup>2</sup>:

Հիշատակված յերկու սարուկներ Հերմոնի ու Բիոնի վորոնման համար սարկատերերը խոստացան վարձատրել այսպես. «ով նրան (Հերմոնին) վերադարձնի, կտանա 3 պղնձե ապղանտ, ով ցուլց կտա, վոր նա գտնվում և տաճարում, — 2 տաղանտ, ով ցուլց կտա, վոր նա գտնվում և վճարուճակ և գատի համար մատչելի մարդու մոտ, — 5 տաղանտ»<sup>3</sup>: Նույնպիսի վարձատրություն էր սահմանված սարուկ Բիոնի վորոնման համար:

Վորովհետև փախած սարկին տիրոջը հանձնելու համար վարձատրություն ստանալու պրակտիկան սովորական բան դարձավ սարկատիրական հասարակության կյանքում, հրապարակ յեկան հասուկ անձնավորություններ, վորոնք զբաղվում էյին փախած սարուկներ վորսալով և սրանով ապրուստ էյին ձեռք բերում: Հելլենական դարաշրջանի (III դ.) մի աստիճանավորի զեկուլցից յերևում է, վոր յերկու յեղբայր՝ Կոլլոխուտ և Ջաիգիլ, բռնել են փախած սարուկների և նրանց հանձնելու համար պահանջում են 100 դրախմ արծաթ<sup>4</sup>: Նույն վավերագրի հետագա տեքստից յերևում է, վոր նշված անձինք զրա հետ միասին յեղել են և սարկատիրականներ, վորոնք գործադրել են սարուկներով սպեկուլյացիա անելու հետևյալ յեղանակները. Ջաիգիլն սարուկներ էր վաճա-

<sup>1</sup> Аспн, № 72

<sup>2</sup> Քսենոֆոն—«Հիշողություններ Սոկրատի մասին». II գիրք, 10 գլ. 1—2, Կիև. 1883:

<sup>3</sup> Аспн № 72.

<sup>4</sup> Նույն տեղում



ուում, նրանք փախչում ելին, իսկ Կոլլոխուան իր մոտ թաքցնում եր փախած սարուկներին, վորպեսզի հետո նրանց համար փրկագին ստանա: Հուճաստանում սարուկ վորսացող հատուկ մասնագետները կոչվում ելին զրապետագոգներ, ալսինքն փախած ըստուկ բերողներ: Նրանց մեջ կալին ալսալիսինները, վորոնք փախած սարուկներ վորսալու վրա նալում ելին, իբրև մի գործի, վորն ուղղված ե գեպի ստրկատիրական հասարակակարգի հիմքերի ամրացումը: Ալսալիսի մարդկանց ծառայութլունները նշվում ելին կառավարական հատուկ շնորհագրերով: Ալսալիս, IV դ. Աթենքում քարե ստելլի վրա կանդնեղված եր պատվո գիր ի պատիվ մի քաղաքացու Իոս կղզուց, վորն զբաղվում եր աթենական փախած սարուկներ վորսալով և նրանց ստրկատերերին հանձնելով: Իոս կղզու ստրկատերերը շնորհակալութլուն հալանեղին նալապետ Ջենոնին (III դ.) նրա համար, վոր նա իրենց վերագարծրեց նրա նալում թաքնվել ցանկացած փախած սարուկներին: Ալս մասին կառավարութլան վորոշումը նուլնալես քանդակված եր քարե ստելլի վրա<sup>2</sup>:

Հետապնդումներից փրկված փախած սարուկը կարող եր ժամանակավորապես ալսաստանել վորոշ տաճարներում, վորոնք հանդիսանում ելին ալսալես տասած պալմանական ալսաստարան թաքնված ստրկի համար: Ալսաստարանի իրավունք, ալսալես կոչված ոսիլի իրավունք վալելում ելին շատ տաճարներ. Գորալինի տաճարը, Կրեստլի տաճարը, Թեդեսոսի տաճարն Աթենքում, Ապոլոնի տաճարը Գելլիում, Կանոպի տաճարը, ներքին Յեգիպոսոսի և ալլն: Մի քանի տաճարներում նուլնիսկ հատուկ շենքեր ելին շինված փախած սարուկներին համար, վորտեղ նրանք ալսում ելին, մինչև վոր սովը չեր քշում ալստեղից, կամ մինչև վոր քուրմը չեր վճուում փախած ստրկի բախտը:

Տաճարում ալսաստանին ստրկին փատտորեն չեր պաշտպանում հալածանքներից: Տաճարը նրանց համար ստրկութլունից ազատվելու հնարավորութլուն ել չեր տալլա: Կրեստե կղզու որենը ստրկական հուշարձանը, ալսալես կոչված գորալինյան որենքն ստանձնում եր փախած ստրկի միալն ժամանակավոր պաշտպանութլունը. նա արգելում եր սարուկ վաճառելն ալն ժամանակ, յերը նա թաքնված և տաճարի ալսաստարանում, փախուստից մի

<sup>1</sup> "Известия ГАИМК.", № 101, ևջ 135—136. 1934,

<sup>2</sup> Аспи, № 69.



տարի հետո: Ուրիշ գեւոյքերում տաճարում ժամանակավոր ապաստան գտած ստրուկը տաճարից պաշտպանութիւնն չէր ստանում. այստեղ ստրկի բախտը կախված էր քուրմից, նա յերվճուում՝ ստրկին տալ իր տիրոջը, թե հանձնել ուրիշի: Ծաճարում թաքնվելու փորձ արած փախած ստրուկը կրկին դատապարտվում էր ստրկական կյանքի:

Ստրուկները փախուստները հանդիսանում էին ստրկատերերի դեմ պայքարելու պատիւ ձեռքից մեկը, ստրուկների անկազմակերպվածութեան ցուցանիշը: Բայց ստրուկների փախուստներն անտիկ Հունաստանի պատմութեան մեջ կարևոր դեր էին խաղում այն տեսակետից, վոր նրանք քայքայում էին մտցնում ստրկատիրական տնտեսութեան մեջ, իսկ պատերազմների ժամանակ քաղաքական լուրջ վտանգ էին ներկայացնում հունական պետութիւնների համար:

Դասակարգային պայքարի ավելի գործունէ ձևը հանդիսանում էին ստրուկների ազատամբութիւնները: Ծիշտ է, Հունաստանում նրանք այնպիսի լայն թափ չստացան, ինչպես Հռոմում II—I դարերում: Հունաստանում ստրուկների ազատամբութիւններն իբրև մասսայական բողոքի կոչիկտիվ ձև ընդդէմ տնտեսութեան ստրկատիրական սիստեմի և ստրկատիրական հասարակարգի՝ չգարգացան և հունական ազատամբութիւնների մակարդակին չհասան: Վերջն է սրա պատճառը:

Այս հարցի խորհրդային հետազոտողներից մեկը՝ Պրոֆ. Կրյուզերը, գտնում էր, վոր Հունաստանում ստրուկների շարժման թուլութեան հիմնական բացատրութիւնը հունական արդունաբերութեան առանձնահատկութիւնների մեջ է: Նա գտնում էր, վոր անտիկ արտադրութեան վիճակը, վորն ըստ էյութեան մանր էր, քիչ քանակութեամբ ստրուկներ ուներ, ձեռնարկութիւններում չէին կենտրոնացած ստրուկների բովականաչափ մասսաներ, անհրաժեշտ նախադրյալներ չէր ստեղծում ստրուկների շարժման զարգացման համար. մյուս կողմից՝ Հունաստանի գյուղատնտեսութեան համար էլ ընորոշ չեն ստրկական խոշոր լատիֆունդիաները. այնտեղ գերիշխում էր մանր հողատիրութիւնը<sup>1</sup>:

Բայց Կրյուզերի այս դատողութիւններն ամենևին չեն համապատասխանում փաստերին, հետևաբար, վոչինչ<sup>2</sup> չեն բացատրում քննարկվող հարցում: Սխալ է այն բանը, թե V—IV դ. դ.

<sup>1</sup> „Известия ГАИМК“, № 101, էջ 122 և հետևյալները, 1934.



ստրուկները բաժակահանաչափ չէյին կուտակված Հունաստանի առաջավոր պետութիւններէ արդշունարբութեան մեջ: Հայտնի յե, վոր զեռեա IV դ., նախասորոնյան ժամանակաշրջանում, պարտքերի դիմաց ստրկացումն արդեն մասսայական բնույթ եր կրում<sup>1</sup>. հայտնի յե, վոր Ատտիկայում, Լավրոնի հանքերում աշխատում եյին հաղարավոր ստրուկներ<sup>2</sup>. հունական պետութիւններում կային արհեստանոցներ, վորտեղ աշխատում եյին հարցուրից ավելի ստրուկներ (Լիսիի վահաններէ արհեստանոցը V դ., Աթենքում՝ 120 ստրուկներով<sup>3</sup>. Ֆսիկացի Մնասոնի մոտ աշխատող հաղարավոր ստրուկները և ուրիշ): Հայտնի յե, վոր պելոպոնեսոսյան պատերազմին, 413 թ., 20 հաղար աթենական ստրուկ անցան... Սպարտայի կողմը<sup>4</sup>. այսպիսի մասսայական յերեւոյթն անկարելի կլիներ, յեթե Ատտիկայում մեծ թվով ստրուկներ կուտակված չլինեյին:

Բաժակահանաչափ համողիչ չեն կրցուղերի և այն դատուութիւնները, թե աթենական ստրուկներէ կյանքի համեմատարար տանելի մակարդակը վորոշում եր նրանց անբավարար ակտիվ պայքարն ստրկատերերի դեմ: Հաստատելով այս, կրցուղերն ամբողջութեամբ անդրադարձրել և բուրժուական պատմագիտութեան գիրքերն ստրկութեան վերաբերմամբ (Լետուրնո և ուրիշ), վորոնք կեղծ—քսենոֆոնյան «Աթենական Պոլիտիայի» (հունական գրող Քսենոֆոնին վերագրվող յերկ) մի տեղի հիման վրա, վոր վերաբերում ե աթենական ստրուկներին<sup>5</sup>, սպացուցում եյին, վոր Աթենքում «շնորհիվ բարքերի մեղմութեան ստրուկներէ դրութիւնն առանձնապես վողբալի չեր», վոր «աթենացիներէ մարդասիրութիւնն իրենց ստրուկներէ վերաբերմամբ» միանգամայն տանելի յեր դարձնում ստրուկներէ դրութիւնը և այլն<sup>6</sup>: Հանրահայտնի յին ստրուկներէ ամենադաժան շահագործման փաստերը Լավրոնի ատտիկական հանքերում, աթենական ստրկատերերէ խստութիւնն ու դաժանութիւնն ստրուկներէ վերաբերմամբ. Վալրոնը ցույց ավեց, վոր ստրուկներին ստիպում եյին

<sup>1</sup> Պլուտարխ.— «Սորն», 8 դր. 4. ՍՊԲ. 1891.

<sup>2</sup> Քսենոֆոն.— «Յեկամուտաների մասին». IV գիրք. 14 դր.

<sup>3</sup> Լիսի.— «ճառեր» XII ճառ., էջ 19.

<sup>4</sup> Թուկիդիսես.— IV գիրք, 118 դր. 7.

<sup>5</sup> Կեղծքսենոֆոնյան «Աթենական Պոլիտիա» I գիրք. էջ 10—11:

<sup>6</sup> Լետուրն.— «Ստրկութեան եվոլյուցիան», էջ 236—238. № 1898.



աշխատել ձեռքերը շղթայակապ, վոտքերը կապանքներով, հաճախ յերկաթե վզողով: Փախուստի փորձից հետո ստրուկներին դրոշմում եյին շիկացրած յերկաթով<sup>1</sup>: Հայտնի յեն փաստեր, յերբ ստրուկներին դաժան տանջանքների յեն յենթարկել ակնհայտն զատարանում և այլն:

Հունաստանի ստրկական ապստամբությունների անկազմակերպության պատճառների առթիվ կարելի յե նշել հետևյալը, ստրուկների և ստրկատերերի հակամարտությունը դեռևս գտնվում էր հասունացման պրոցեսում, Հունաստանում այն չէր հասել այնպիսի բարձրության ու այնպիսի ուժի, վորպեսզի վերածվեր ըստրուկների մասսայական փոթորկահոույց պայքարի ընդդէմ ստրկատերերի: Ստրուկների ապստամբությունների մանր կրակները բռնկվում եյին Հունաստանի առանձին վայրերում՝ սկսած V դարից, բայց նրանք չեյին ձուլվում և դառնում ստրուկների ազլաստամբության միասնական հրդեհ, ինչպես Հռոմում:

### 3

Հունաստանում ստրուկների վաղ ապստամբություններից մեկը տեղի ունեցավ Արգոսում, 494 թվականին: Այս ապստամբությունը կապված էր Սպարտայի կովում Արգոսի զորքի կրած պարտության հետ: Սպարտացիք ջախջախեցին արգոսցիներին, վոչնչացրին նրանց վոչ միայն զորքը, այլև բնակչության մասսան (ազատ քաղաքացիների), և ստրուկներն ոգտվեցին այս մոմենտից ապստամբելու համար: Սա ստրուկների հաջող ապստամբություններից մեկն էր. նրանք գրավեցին քաղաքը, դեն շարտեցին ստրկատերերի կառավարությունը, կազմակերպեցին իրենց կառավարումը: Հերոդոտն ուղղակի ասում է, վոր պատերազմի հետևանքով «Արգոսն այնքան մարդկանցից զրկվեց, վոր ըրոր գործերը մնում եյին ստրուկների իրավասության տակ, վորոնք ամեն ինչ կառավարում և տնօրինում եյին»<sup>2</sup>: Ստրուկները գրավեցին նաև Տիրինիոս քաղաքը: Բայց ապստամբությունը ջախջախվեց:

Սակայն ստրուկների իշխանությունը տապալելուց հետո յել Արգոսում ստրուկների շարժման սպառնալիքը չվերացավ: Վորոշ ժամանակ անց կրկին ապստամբություն բռնկեց. ապստամբ ըստ-

<sup>1</sup> Wallon.—“Histoire de l'esclavage dans l'antiquité”, V. 1, p. 415.

<sup>2</sup> Հերոդոս.—VI գիրք՝ 83 գլ.



բուհները հարձակվեցին քաղաքի վրա. «...նրանց միջև շատ տե-  
վական պատերազմ ծագեց, վորից արգելվացիք հազիվ հաղթող  
դուրս յեկան»<sup>1</sup>:

Ստրուկները բավական նշանակելի շարժում տեղի ունեցավ  
անտիկ աշխարհի ստրկատիրական խոշորագույն կենտրոն Միցի-  
լիայում գեոևս V դարում: Այս դարում Միցիլիայի ստրուկների մե-  
ծաքանակ լինելու մասին մենք ունենք Դիոդորի վիպությունը,  
վորը նշել է հունահարթագենյան՝ հույների համար հաջող պատե-  
րագրի հետևանքով Միցիլիայի հունական գաղութներում ստրուկ-  
ների բավական շատանալը: Այս պատերազմում գերիների մաս-  
սային ստրկացրին և նրանց գրավեցին մասնավոր անձինք: Մի-  
ցիլիայի ստրուկների V դ.: ապստամբությունները հանդիսացան  
Միցիլիայի ստրուկների II դարի վիթխարի շարժումների նախա-  
դուշակները<sup>2</sup>:

Վավերագրով հաստատված ստրուկների առաջին ապստամ-  
բությունը տեղի ունեցավ 414 թվականին հունական Սիրակուզ  
գաղութում: Ապստամբ ստրուկների գլուխ անցավ վոմն Սոսիս-  
տրատ: Յերբ հայտնի դարձավ ստրուկների առաջիկա յելույթի  
մասին, բանակցությունների համար նրանց մոտ ուղարկվեց Մի-  
րակուզի հեծելազորի պետ Դիոմաքոսը, վոր մտիկ հարաբերու-  
թյունների մեջ եր Սոսիստրատի հետ: Կառավարության հանձ-  
նարարությամբ Դիոմաքոսը զորավար Հերմոկրատի հետ միասին  
բանակցություններ սկսեց Սոսիստրատի հետ 20 ստրկի ներկա-  
յությամբ: Հերմոկրատը 600 հողլիաի (ծանր զինված մարտիկ)  
ուղեկցությամբ հանդես յեկավ ստրուկների առջև և նրանց խոս-  
տացավ ապստամբ ստրուկներին ազատ արձակել, իսկ Սոսիստ-  
րատին դարձնել Սիրակուզի վարչակից: Ստրուկները հավատացին  
այս խոստումներին, բայց չարաչար խարվեցին. շարժման ղեկա-  
վարները բռնվեցին և մահապատժի յենթարկվեցին, մնացածները  
վերադարձվեցին իրենց տերերին. ստրուկների մի մասը փախավ  
աթենացիների մոտ, վորոնց նավատորմն այդ ժամանակ ռազ-  
մական գործողություններ եր վարում Միցիլիայի ափերին<sup>3</sup>:

<sup>1</sup> Դիոդոր.— XI գիրք. 20 գլ.

<sup>2</sup> Միցիլիայի ստրուկների II դ. շարժման մասին տես Սերգեյեվի հոդվա-  
ծը— „Борьба классов“ № 6, 1935 թ., էջ 86.

<sup>3</sup> Սիրակուզի ստրուկների ապստամբության վերաբերյալ նյութերը  
տես Կրյուզերի հոդվածում: Известия ГАИМК № 101, էջ 126—127, 1934.



Ստրուկները մասսայական շարժումներ տեղի ունեցան II դարում, Քրիստ կղզում, վոր ստրուկների առևտրի խոշորագույն կենտրոնն էր: Այս շարժման մասին պատմել և վոմն Նիմֆոգոր սիրահուզցի, վորի աշխատությունը բավականաչափ ինտերպոլյացիաների<sup>1</sup> յե յենթարկվել և սրա հետեանքով անստույգ շատ բան և պարունակում: Սակայն աղբյուրի հիմքում, անպայման, գտնվում և պատմական փաստի հազորդումը: «Քրիստցիների ըստրուկները,— գրում և Նիմֆոգորը,— փախչում են իրենց տերերից և թաքնվում լեռներում. այնտեղից նրանք բազմություններով հարձակվում են մասնավոր կալվածքների վրա և թալանում»<sup>2</sup>: Այս փախած ստրուկներին միավորեց նրանց մեջ աչքի ընկած առաջնորդ Դրիմակը: Նրա ղեկավարությամբ ստրուկները կովի մեջ մտան ստրկատերերի հետ, ընդ վորում ստրկատերերն ստիպված յեղան բանակցությունների մեջ մանելու Դրիմակի հետ: Ստրուկները խոստացան զազարեցնել կողոպուտներն ու արշավանքներն ստրկատերերի կալվածքների վրա, իսկ Դրիմակը կազմակերպեց հատուկ դատարան ստրուկների փախչելու պատճառները քննելու համար: Այսպիսով, Դրիմակը հանդես եր գալիս իրրև միջնորդ ստրուկների և ստրկատերերի միջև: Դիմելով ստրկատերերին, նա ասել է. «Յերբ ձեր ստրուկները փախչեն, յես գործը կքննեմ, և յեթև պարզվի, վոր նրանք փախել են կյանքի անտանելի պայմաններից, յես նրանց կթողնեմ ինձ մոտ. իսկ յեթև գանգատներն անհիմն ճանաչվեն, յես նրանց հետ կուղարկեմ տիրոջ մոտ»<sup>3</sup>: Այնուհետև Նիմֆոգորը հազորդում և, վոր սրանից հետո Քրիստի ստրուկների և ստրկատերերի միջև խաղաղ հարաբերություններ հաստատվեցին. Քրիստի մի մասում գոյություն ուներ ստրուկները պետությունը՝ Դրիմակի գլխավորությամբ, նրա մյուս մասում՝ Դրիմակից կախված ստրկատերերի պետությունը: Բայց Դրիմակի պետությունը զասակարգային-քաղաքական իմաստով վոնչնչով չեր տարբերվում ստրկատերերի պետությունից. նա կազմապերպված եր ըստ վերջինիս տիպի. Դրիմակը հանդիսանում եր այս պետության անսահմանափակ կառավարիչը: «Ըստրուկների վերաբերմամբ Դրիմակի իշխանությունը բռնապետական իշխանություն էր. հենց փախած ստրուկները, վոր նրա հետ

<sup>1</sup> Ինտերպոլյացիա նշանակում է արտագրողի կողմից ձեռագրեր յերկի տեքստի մեջ հեղինակին չսպտկանող խոսքեր և ամբողջ ֆրագներ մտցնելը:

<sup>2</sup> Аспн, № 609

<sup>3</sup> Аспн, № 609



եյին, նրանից ավելի շատ եյին վախենում, քան առաջ վախե-  
նում եյին իրենց տերերից, և անում եյին ամեն բան, ինչ նրան  
հաճելի յեր՝ Դրիմակին յենթարկվելով իբրև պետի»։<sup>1</sup>

Դրիմակի մահվանից հետո նրա ստեղծած պետութունը  
քայքայվեց. վախած ստրուկները կրկին նորոգեցին հարձակում-  
ները Քիոսի ստրկատերերի վրա:

Անտիկ աշխարհի պատմութեան մեջ յերկրորդ դարը հանդի-  
սանում և ստրուկների փոթորկահույզ ապստամբութեանների շըը-  
ջան, ապստամբութեաններ, վոր տեղի յեն ունեցել Հռոմեական  
պետութեան դանազան վայրերում, վորի կազմի մեջ այդ ժամա-  
նակ մտնում եր Հունաստանը: Միցիլիաքի ստրուկների վերոհիշյալ  
հեղափոխութեան ազդեցութեան տակ Մ զարում Ատտիկայում,  
Լավրիոնի հանքերում, իսկ հետո Դելոս կղզում, ստրուկների առե-  
տըրի այս խոշորագույն կենտրոնում, տեղի յեն ունենում ստրուկ-  
ների շարժումների բռնկումներ<sup>2</sup>: Այս շարժումները ճնշվեցին: Մի-  
ցիլիաքի ստրուկների յերկրորդ հեղափոխութեան (104—101 թ թ.)  
ազդեցութեան տակ կրկին տեղի ունեցավ Լավրիոնի հանքերի  
ստրուկների ապստամբութեան, վոր բավական նշանակելի չափեր  
ընդունեց: «Բազմաթիվ միրիադներով (բյուր = տաս հազար) ատտի-  
կական ստրուկներ աշխատում եյին հանքերում՝ շղթայակապ...  
Ապստամբելով, նրանք կոտորեցին հանքերի պահակներին, տիրա-  
ցան Սուևիի ակրոպոլիսին և յերկար ժամանակ ամայացնում եյին  
Ատտիկան: Սա տեղի ունեցավ Միցիլիաքի ստրուկների յերկրորդ  
ապստամբութեան շըջանում»<sup>3</sup>:

Հունական ստրուկների քաղաքական ակտիվութեանն ար-  
տահայտվում եր վոչ միմիայն նրանց հեղափոխական յեյուլթենե-  
րում ընդդեմ ստրկատերերի. Հունաստանում բազմիցս այսպիսի  
փաստեր են տեղի ունեցել, յերբ ստրուկների շարժումները կապ-  
ված են յեղել ազատների մեջ տեղի ունեցող դասակարգային պայ-  
քարի հետ: Դեռևս VI դ. վերջում, յերբ Ատտիկայում տեղի յեր  
ուսնենում դեմոկրատական մասսաների պայքար տոհմային ավա-  
զանու դեմ, այս պայքարին ներգրավվել եյին նաև ստրուկները:

Հունաստանի ավելի հետագա պատմութեանը մեզ տալիս և  
նաև դեմոկրատական շարժման մեջ ստրուկների մասնակցելու մի

<sup>1</sup> Аспн № 609

<sup>2</sup> Аспн, № 609

<sup>3</sup> Աժիմիոս, VI գիրք, էջ 104.



շարք փաստեց: V դարում Պլատեյայում պայքարող քաղաքական կուսակցությունները պայքարի մեջ ելին ներգրավում նաև ստրուկներին. «...Պլատեյայում ստրուկները դեմոկրատիայի կողմն են»<sup>1</sup>: Յերբ 427 թ. Կորկիրում բռնկվեց քաղաքացիական կռիվը, «...յերկու կողմերն ել լրաբերներ ելին ուղարկում շրջակա դաշտերը, իրենց կողմը կանչելով ստրուկներին՝ խոստանալով ազատել նրանց, ստրուկների մեծ մասը հարեց ժողովրդին»<sup>2</sup>:

Բայց դեմոկրատական շարժումների և ստրուկների շարժումների կապի վերաբերյալ այս փաստերը հիմք չեն տալիս յեզրակացնելու, վոր հին Հունաստանում գոյություն է ունեցել միասնական հակաստրկատիրական ճակատ. ստրուկներն այս շարժումներում հանդիսանում ելին վոչ ավելի, քան զինվորներ գերիշխող դասակարգերի ձեռքին, վորովհետև ազատների դեմոկրատական խավերի շարժումներն ուղղված չեյին ստրկատիրական հասարակարգի դեմ:

Սակայն ստրուկների յերույթներն ստրկատերերի դեմ անկախ այն բանից, թե ինչ ձև ելին ընդունում նրանք, չեյին կարող ստրկատերերի մեջ սարսափ չներշնչել իրենց բախտի համար: Ստրուկների ապստամբությունների սպառնալիքի առնչությամբ ստրկատերերի ունեցած անհանգստությունը շատ ցայտուն արտահայտված է Պլատոնի բազմաթիվ արտահայտումների մեջ: «Ստրուկն այնպիսի մի սեփականություն է, վորին տեր լինելը շատ դժվարություններ է բերում, և փորձը մի անգամ չե ցույց տվել այս»,—գրում եր Պլատոնը, հենվելով ստրուկների հաճախակի ապստամբությունների և այն աղետների վրա, վոր հասնում ելին պետությանն այս ապստամբությունների հետևանքով<sup>3</sup>:

Այս նույն միտքը Պլատոնն արտահայտել է նաև հետևյալ թեզիսով. «Ձե՞ վոր ստրուկները յերբեք տերերի բարեկամը չեն դառնա այնպես, ինչպես անպետք մարդիկ չեն դառնա կանոնավոր մարդկանց բարեկամ»<sup>4</sup>: Ուրիշ կապակցությամբ Պլատոնը գրում եր, վոր շատ ստրուկների տեր հարուստները կարող են ապրել յերկյուղ չունենալով ստրուկներից, վորովհետև նրանց պաշտպանում է պետությունը. յեթե չլիներ այս, «ինչպիսի մեծ սար-

<sup>1</sup> Դիոգոր XIII գիրք, էջ 41.

<sup>2</sup> Թուկիդիսես, III գիրք, 73 գլ.

<sup>3</sup> Պլատոն. «Որենքներ», VI գիրք, էջ 777.

<sup>4</sup> Նույն տեղում, էջ 757-տ.



սափ կուեննար նա (հարուստը) իրեն, իր յերեխաների ու կնոջ համար, վոր չլինի թե ստրուկները կոտորեն բոլորին»<sup>1</sup>։

Այս սարսափն ստրուկներից ստիպեց ստրկատերերին և ըստըրկատիրական պետութեանը դիմելու ստրուկների ասպտամբութեանները կանխելու ամենատարբեր յեղանակների։ Այսպես, IV դարում իբրև ստրուկների շարժումների դեմ պայքարելու միջոց նույնիսկ առաջարկ եր արվում սահմանափակել ստրուկների քանակը և թույլ չտալ ստրուկութեանը դարգացնելու հույներին ըստըրուկ դարձնելու միջոցով։ Այս մտայնութեան ազդեցութեանը չափազանց դերադնահատել են բուրժուական հետազոտողները, վորոնք գտնում եյին, վոր հունական կյանքի պրակտիկայում սրա հետևանքով շատ սահմանափակ թվով հույն ստրուկներ են յեղել։ Պլատոնն ու Արիստոտելն իրոք զարգացնում եյին այն թեորիան, վոր հույնը բնածին ստրկատեր ե, վոր նա իրավունք ունի տիրելու բարբարոս ստրուկներին, վոր հույներին չի կարելի ստրուկ դարձնել։ Պլատոնն ուղղակի ցանկութեան հայտնեց, վոր հույներն ստրուկ չդարձնեն պատերազմի ժամանակ գերի վերցրած ցեղակիցներին։

Բայց հունական պրակտիկ կյանքում այս տեսակետը շատ թույլ արտացոլում եր գտնում։ Հայտնի յե, վոր հույն-պարսկական պատերազմների ժամանակ Հելոն Սիրակուզցին իբրև ստրուկ վաճառեց մեգարացիներին և եվրեյացիներին<sup>2</sup>։ Պելոպոնեսյան պատերազմի ժամանակ, 413 թ. Սիցիլիայի Չարդից հետո հազարավոր աթենացիներ և նրանց զաշնակիցներն ստրկացվեցին<sup>3</sup>։ Փիլիպոս Մակեդոնացին իբրև ստրուկ վաճառեց ոլինթացիներին և այլն։ Յեթև պատերազմի ժամանակ տեղի յեն ունեցել գերված հույներին ազատ թողնելու առանձին փաստեր, ապա սա բնավ մարդասիրական կամ ազգային բնույթի նկատառումների հետևանք չեր, այլ հետևանք եր ռազմաքաղաքական նկատառումների, սա մի մասներ եր, վոր նպատակ ուներ թշնամուն գրավել իր կողմը։ Այսպես պետք ե գնահատել այն փաստը, վոր պելոպոնեսյան պատերազմում, սպարտացիների կողմից Մեթիմնի մոտ (Լևարոս կղզի) լեսբոսցիներին ջարդելուց հետո զորավար Կալլիկրատիզը լեսբոսցի հույներին իր կողմը գրավելու համար հայտարարեց, վոր հույն-

1 Պլատոն, «Պետութեան», IX գիրք, եջ 578-ա։

2 Հերոդոտ, VII գիրք, 156 գլ.

3 Թուկիդիդես, VII գիրք, 85 գլ. եջ 3—4.



րից վոչ վոք չի ստրկացվի, և միևնույն ժամանակ նույն կալիկ-  
րատիդն իբրև ստրուկների վաճառեց այստեղ գրաւած աթենական  
կայազորը<sup>1</sup>:

Բայց անվիճելի յե, վոր Պլատոնի այն դատողությունները,  
թե հույներն ստրուկ չպիտի լինեն, և Արիստոտելի ցուցումները,  
թե ստրուկն ամենից առաջ բարբարոս և, սլայմանավորված են  
այն սպառնալիքը հաշվի առնելով, վոր ներկայացնում եյին ըստ-  
րուկները շարժումները Հունաստանում V—IV դարերում: Հանձին  
հույն ստրուկների ներքին թշնամիներ չունենալու համար, վո-  
րոնք սցիալական ավելի մեծ վտանգ եյին ներկայացնում, քան  
բարբարոս ստրուկները, ստրկատիրական հասարակության դա-  
դափարախոսներն ստրկատերերին նախազգուշացնում եյին հույ-  
ներին ստրկացնելուց:

Բարբարոս ստրուկների համախմբման և միատեղ յերւոյթնե-  
րի հնարավորությունը կանխելու համար առաջարկվում եր մի  
ազգության ստրուկներին մի տեղ չպահել: Պլատոնն ուզողակի հանձ-  
նարում և «...միևնույն ազգության ստրուկներ չունենալ, այլ  
վորքան հնարավոր և, ունենալ դանազան լեզուներով խոսող ըստ-  
րուկներ, յեթե միայն ցանկալի յե, վոր նրանք, ավելի լավ կրեն  
ստրկությունը»<sup>2</sup>: Ըստ յերևութիւն այս խորհուրդներն իրակա-  
նացվում եյին հունական ստրկատիրության գործնականում: V  
դարի հունական արձանագրություններից մեկում թվարկվում են  
վոմն Կեֆիսոզորի պատկանող 16 ստրուկ, և նրանց մեջ կան տաս  
դանազան ազգությունների պատկանող ստրուկներ<sup>3</sup>:

Հին հունական ստրուկների շարժումների դարգացման կարև-  
վորագույն փուլերի վերլուծումը թույլ և տալիս յեղրակացնելու,  
վոր թեև այս շարժումները լայն թափ չեն ստացել այնտեղ և փո-  
թորկահույզ խռովությունների չեն վերածվել ընդդեմ ստրկատե-  
րերի, նրանց նշանակությունն անտիկ աշխարհի դասակարգային  
պայքարի պատմության մեջ անվիճելի յե: Ստրուկների շարժումը  
Հունաստանում հանդիսանում եր արտադրության անտիկ յեղա-  
նակի դարգանալ սկսած ճգնաժամի ցուցանիշը: Կովելով ստրկա-  
տիրական հասարակակարգի դեմ, սպստամբության գրոշ բարձրա-  
ցըներով նրա դեմ, ստրուկներն արագացրին այս հասարակակար-

<sup>1</sup> Բևեկոմոս. „Hellenika“. I գիրք, 6 գլ., էջ 14—16.

<sup>2</sup> Պլատոն. «Որենքներ», VI գիրք, էջ 777-с.

<sup>3</sup> C. L. A. (Corpus Inscript. Atticon). I 5. № 277.

զի քայքայման պրոցեսը: Այսպիսով, ստրուկների շարժումներն որքեկտիվ կերպով ճանապարհ հարթեցին արտագրության նոր, ավելի պրոգրեսիվ յեղանակի համար, վորը պետք է դար փոխարինելու ստրկատիրականին: Սրանու մն ե ստրուկների շարժումների հսկայական պրոգրեսսիվ դերը: Նրանք հանդիսացան հեղափոխական այն պրոցեսսի պատմականորեն անհրաժեշտ ողակը, վոր ձևակերպել է ընկեր Մտալինն իր թեզիսում:

«Ստրուկների հեղափոխությունը վերացրեց ստրկատերերին և վոնհչացրեց աշխատավորների շահագործման ստրկատիրական ձևը»<sup>1</sup>:

(„Борьба классов“ № 1, январь 1936 г.)



392

<sup>1</sup> Ի. Ստալին. «Լենինի դմի հարցեր», էջ 527. Մոսկվա, 1934:

Грост



ԳԱԱ Հիմնարար Գիտ. Գրադ.



220032404

[104]

135

9766 6 80 409.

